

香樹齋詩集

PL
2705
I378A17
1750
v.15



香樹齋詩集卷十三

嘉興錢陳羣集

弋陽舟次灘行聯句

東歸截干越

陳羣

西顧正晴景玉珮心已高

戴大

字涯尚永諸灘勢建瓴

陳羣

急水聲沸鼎鉦聞上

瀨戈

戴

竹瀨汲潭綆有爪背上爬

陳羣

恐骨喉間

便尋勝車曳輪

戴

尾送弓安檝助時力量

陳羣

中休氣息屏滑蓬囑錦石

戴

牽繩黏若行肩隨

一江

陳羣

覆果消半銅得寸夫尺知

戴

難逢易遇

香樹齋詩集卷十三

嘉興錢陳羣集齋

弋陽舟次灘行聯句

東歸截干越

陳羣

西顥正晴景玉瑯心已高

載

弋

字涯尚永諸灘勢建瓴

陳羣

急水聲沸鼎鉦聞上

瀨戈

載

竹續汲潭綆有爪背上爬

陳羣

恐骨喉間

顛唇撐車曳輪

載

尾送弓安檝助叫力量齊

陳羣

中休氣息屏滑漣蹋錦石

載

牽纏黏翠荇肩隨擁

一扛

陳羣

腹果消半餉得寸失尺知

載

難進易退

領沙礫多淹留

陳羣

飄席謝馳騁如門過限平

載

似鑲通鑰罔示暇或以隣

陳羣

觀機必於靜役勞

主恤同

載

道濟世艱靖往者自滔滔

陳羣

再乎實

耿耿老馬雖識塗

載

游魚仍麗簪一灘復一灘

陳

羣放艇且收艇龜峯飲江黑

載

蟹舍着星冷餘激

排村春

陳羣

連嵐仄天影抑揚枕上清

載

忠信夢

中警上者色方變

陳羣

下者顏莫逞曾不思安身

載而乃甘沒脛生涯各衣食

陳羣

游惰則瘤癭嘗

言閩粵險

載

未敵灑瀕猛有弟官秭歸

陳羣

攜家

向鄢郢州城峽束孤

載

信問湍流梗昨吏啁哳來

陳羣

附詩於邑哽漫遊抱私難

載

幽泛得深憬上

塚偶師龐

陳羣

外物非慕邴順逆敢自由

載

風濤

紀茲境山郵橙橘香

陳羣

湖面妝抹靚訪僧採秋

芽

載

撥雲試龍井

陳羣

次坤一過弋陽五十里江山勝絕卽目成歌

韻

趨湖會章勢不凌非茹善與高豈矜崖奔谷複氣
象增靈山龜峯插峻嶒雲衣澹沲天光澄晨夕異
狀秀者恒遠峯入空晴層層岩半古寺摩秋鷹陰
磴欲上儼飛騰疎林密篠丹翠凝緣罅包絡千年

藤迴舟見石得未曾或九或十皆模稜魯鼓薛鼓
不受絀結跌平處可萬僧倘分香積容鬚髻鷓鴣
入水微波興鷺鷥浴水寒如冰以魴以鯉冬簪承
猶趁晚影來拋簪山農水戶無兼能何人喚渡麾
長肱野航自放無人應西陵社酒招東陵生生世
世忘鰥鰥朱陳村在前山塍其不婚媾亦儕朋擬
收長卷墨可憑黃鶴一峯皆絕勝

附
原作

錢載

龜峯三十二可凌靈山七十二最矜篷牕兀坐
疑似增但送遠近秋陵鰥一峯轉江江碧澄峯

之插江以爲恒一峯如城輓轡層如臺如筆還
如鷹牛臥獅搏龍矯騰青霞千里縱橫凝一溪
落江橋隱藤溪來峯隱百尺曾一磯砥江老模
稜濤痕四蝕如環絢崖懸壁削立一僧其居篁
竹松鬚髻僧立觀水風不興水色蒼玉光寒冰
又峯壓虛冰玉承影浸百牒漁收罾輕篙短槳
婦女能得魚歸去麾之肱阻流安碓灘聲磨稻
堆屋山高及陵此沙可宿無斂矰草堂盍面峯
間塍遠招近揖皆我朋一林紅樹清霜憑一行
白鷺涼煙勝

晚泊

落日增波上客舟江干晚景一時收灘聲春語如
相答雁落鷗眠各自休沙際樵喧投小艇松間燈
影出高樓西風未與歸人便指點前村爲小留
晚飯仍爲十里行江村秋老動砧聲密排急碓如
飢鶴陡立方山似廢城竹塢晴煙藏遠寺露華涼
月上雙旌水痕猶記千年蝕石上攔腰一樣平

琴硯銘

高溪石材中琴水仙來操烏欽

江行題紅葉

舡唇叉手正尋詩
澗碧山紅過六時
一夜流傳霜信
徧早衰多是出頭枝

戍樓山館與僧家
烘染風情有晚霞
爛熳幾枝紅入水
江頭十月憶桃花

照來山壁半成丹
露浣霜鬢總不乾
幾度好風逢勝處
故遲晚飯落帆看

多情似欲傍船移
回首斜陽照酒旗
不與紅顏競時節
此心只許醉翁知

答唐荅村方伯

一番真成執手期
雙魚况復寄相思
恐辜明聖湖

頭約三板江船戴月移

蹤跡三年論萬里風濤一瞥已千齡

君恩天大從頭話簾外吳山落瑣青

江山船謠六首

食魚投魚骨江魚見之泣生身托鯽生安能慎出

入

十五舟人婦弄篙如使鍼鍼長怕傷手篙短怕江

深

風逆灘水急一步如登梯來船莫相笑看爾回來

時

少婦出村裏擣衣坐江干遠帆山腰轉回頭望所
歡

江煙白於雪江風尖如矛嚴陵養生者五月猶被
裘

曉進桐廬舂暮聞定山鐘不知山水勝但挂十分
篷

自桐廬解纜風順午後卽抵錢塘江干口占

一絕

桐君送我還朝去江上芙蓉面面開多謝玉皇
名山好顏色雙童招手過江來

夜過塘棲

十月塘棲路家家賽小春燭龍搖夜水村鼓接比
隣雨濕歸帆重風微鄉語真年豐昏嫁早近局想
朱陳

冬日題煙雨樓

昔遊容易感沉吟烏帽鬚髻此重尋偏與客船留
落日全收湖勢作秋陰壺觴偶寄閑雲跡遲暮空
餘獨鳥心一到便教違十載百年還有幾登臨

和陶詩

次和陶韻以類相從故
與前詩不以先後爲次

阻風江干北蘭寺僧廣林送晚桂一枝留

話移時和形贈影韻

地偏艤舟宿風號及晨時江行不計程去住信所
之執手別千里瞻言猶在茲化人復何事夙興恐
後期殷勤折晚桂似結塵外思况余遲暮影對之
增悽泐題詩聊相答仰俛無復疑混茫一窮達此
義非言辭

阻風江干晚眺西山和庚子歲五月中從
都還阻風於規林二首韻

假日自茲始紫邏還敝居水清映木石村靜絕喁
于朔風廻去柁枉渚守一隅江勢有分派所卽遂

異塗隣船喧遠岸夕景散秋湖時序默改謝川原
呈蕭疎觀物無竟極相遇瞻望餘多情有西嶺獻
秀復何如

思歸匪不速信宿安所之弟妹各一方聚首難與
期獨鳥餘遠思孤雲有還時昨日盛高會今者淹
在茲故山信云戀厚祿誰當辭晨發沿江水東指
夫何疑

瑞洪晚泛和影答形韻

白板造江舟迴轉極迂拙帆駛岸非移沙互路豈
絕野色無逢迎目遇隨所悅前林方延勝舵捩忽

已別風止雨初濛雲隱星未滅微蒸欲解帶薄陰
釀秋熱榜人但知進用力戒勿竭停舟侶鳬雁卽
事信不劣

往與新淦晏中丞虞際同年友善余奉使
豫章虞際以奉母里居相距四百里握手
願違悵焉有寄和答龐叅軍韻

入覲秉東節尊酒遺令言自昨辭湘水乞養怡田
園化俗敦孝弟娛情寄詩篇古有求忠訓今茲豈
不然相期同心舊終虛執手緣章江有雙鯉尺素
聊與宣思君一延竚孤雲移秋山金石苟不渝何

必皆盛年

自餘干至廣信灘行五百里憶曩遊閱四
十年復問津焉慨然有作和詠貧士七首

韻

往遊如去水旅夢猶依依豈期復來訪短楫遲清
暉林鳥似相識覲睨相鳴飛水喧漁舟出谷響樵
人歸羣動各有托所苦寒與飢人生不滿百安能
長獨悲

碧梧蔭嘉閣丹桂榮舊軒國典重休沐暫許歸
邱園邱園隔千里江蕪自生煙閑情此孤寄默默

惟靜研所思在遠道平生邀一言媿乏理人術
煩首思前賢

急湍落秋峽韻叶太古琴偶然到枕上寂寞餘清
音披衣中夜起欲卽不可尋村醪尚盈缶獨飲自
勸斟飲中有賢聖至理吾所欽流行與坎止誰與
諧此心

耳目有偏寄陋彼曠與婁如何生使獨相任不相
酬覆載廣且大銜羽噍周周本無神仙訣安能遣
煩憂生逢

堯舜君都俞况同儔假年獲所請於焉終吾求

舟人日理楫他務非所干如何食君祿而忍尸其
官旅行廢晨興及午方朝餐日來風力勁襍被知
天寒酌酒對霜葉相顧非盛顏李耳識此意青牛
過函關

扁舟滯雲水理本如飛蓬論文契獨賞舉世稀國
工宣秉起雲陽楚北失二龔結習苟或異領趣安
能同灼然見大川非楫信難通九京如可作斯致
當誰從

同朝有衆正先後來名州僚屬共砥礪清節誰與
儔餞徹復相送卮酒臨中流酒半一敦勉各爲蒼

生憂顧余寡長策厚意竟莫酬何以慰相思努力
期信脩

十月二日過玉山作和九日閑居韻

連岡亘平地于役日勞生一從上帝錫遂遺懷玉
名夜來仰星象珠斗相輝明少日曾度此倚松聞
泉聲今復松下過對之感衰齡晚禾霜前熟新釀
槽閒傾山農識先事秋盡規春榮竹石蘊深致禽
鳥披餘情笑彼淹留客終歲竟何成

過金雞嶺嶺距曹會關數里爲浙東江西
分壤中有白雲菴相傳唐僧貫休所締去

大道二里未遂攀躋爲詩紀之和神釋韻
疊石分豫越井疆遂衆著林禽自往還厖氓互親
故行旅各趨羶逐逐如螳附我來憇陂陲稍進人
吏語云有白雲寺爲指其深處朝看白雲起暮看
白雲住人生有窮期白雲無盡數入山卽遊山何
用遊山具高眄揖皇初抗情外世譽天末送長風
時運默來去達人中豈嬰志士內懷懼量力葆自
然卽此祛煩慮

李蒼崖叅政以余將東歸遣吏致酒遲於
草坪郵亭對酒賦謝和移居二首韻

移舟傍江行似卜江干宅玉瑯舟已維燈火旅人
夕平明上篋輿輕程忘行役故人遣吏導山館爲
拂席符節史所敦飲餞今猶昔一從交道衰茲義
誰與析

李侯吾夙好氣誼敦風詩一尊致千里能不斟酌
之一酌對君面再酌寄相思相思各努力况敢辜
良時穆然會清風披拂信在茲濟川利舟楫至哉
不吾欺

巖灘晚泊和和郭主簿二首韻

日落風始疾厓谷生層陰船頭弄江水聊以滌素

襟林禽下檣艣山犬吠書琴還家念屢屬淹滯猶
至今仰企釣臺上一展平生欽客饌網鮮入獨遣
村醪斟鄰帆便交語各各來鄉音洽彼行旅跡遺
此金華簪極目巖松外悠然與之深

歸雲薄晴巒繁霜厲寒節戍樓發悲笳流韻中宵
徹繚峯舟勢孤兀坐成悽絕論世復低徊周黨豈
其列事異赤松遊高睇邈時傑我行訪桐君長揖
要妙訣侵曉一鼓柁暉暉西臺月

曉經桐廬和連夜獨飲韻

扶輿蘊深秀際茲信其然澄江趨遠瀨山壁束重

關瞰流勢峻絕結構契飛仙東望極綿邈寬轉况
秋天晴旭散煙氣好風爲我先故園三日期似可
須臾還往遊竟徂謝茫茫四十年今復一來過感
契示清言

泊舟鐵幢浦觀月和游斜川韻

濟浙初見岸旅泊得慙休勝地恣遐矚暮色阻嘉
遊霜氣肅寒魄煙光泛湍流逸網有沉鱗眠沙無
驚鷗海門窮千里東望揖浮邱臨風生羽翼浩蕩
誰與儔酌酒對江月揮盃自勸酬此興亦偶然常
得如此否盡夜不能寐終抱生民憂哀鳴中澤雁

勞勞何所求

將近南湖一二親知鼓枻來迎喜贈一首

和還舊居韻

越江復度嶺今日真成歸在理歸當喜胡乃惻惻
悲屋廬雖未改隣里或恐非蒼老多徂謝問十一
二遺去僕兩三輩猶自效依依卽聚便成樂遑問
離別推憂喜任離合坐是能勿衰萬事付流水一
手何足揮

上塚和飲酒二十首韻

有序

陳羣

奉役江右

陞辭日面陳烏私乞於

事竣紆道里門省 先人墳墓卽日得假
九月旣望由章江沂灘踰玉山下富春過
錢塘於十月望還家馳拜封隴凡五晝夜
登山臨水自高曾以來宅兆之在縣境者
殆將徧焉惟是官程嚴迫未敢淹滯族鄰
親串念我勞人各取酒爲歡亦以言別念
陳羣遭際 明盛少歷艱苦年三十後始
通籍今垂耳順追維 先澤少憇枌榆感
激依戀惓惓焉有述

舊廬忽來止惘惘何所之遊子感風木增悽還家

時昔日承歡笑永朝常如茲今者命楫往中道猶
自疑松楸竟成行有淚誰能持

劬勞不知報罔極懷邱山立善樹遺則黽勉循訓
言築土手畚鍤奄忽踰十年兒童多成立往事猶
能傳

鄰里稍稍至存問非世情但誇章服美不識朝官
名桑麻話家計略述死與生生者顏鬢改見之能
勿驚功名與林壑兩念難一成

信宿復鼓枻曉隨孤鷺飛延佇一回顧黯然中自
悲情知百年後永得展依依乃今且成別遑問侘

日歸曾聞昔人志盡瘁不云衰
國恩有異數此願將無違

帆轉依回渚水竹人語喧當年釣遊地孤寄仍幽
偏束髮奉金馬非異泉出山高鳥翔雲表故林時
一還悠然與心會因之忘象言

行年垂耳順昔非今豈是積理有異同嬰妄成譽
毀兒童詫衰白父老相我爾營蒯苟勿捐何用羅
與綺

先蹟有遺愛宰木表奇英物珍同臭味行路尚餘
情傳聞百里外觀賞來相傾我今肅瞻拜好鳥松

閒鳴散步感時序月魄方哉生

澹湖風日佳冬樹含春姿緣崖入雲去憇足攀松
枝海水見瀕洞送茲萬象奇上塚得此景何事遠
遊爲寄言當途者幸勿催疆羈

散誕非可任清抱聊一開小人寡遠志惟土性所

懷將老戀桑榆于道未爲乖仲容我家達

從姪益翁以觀

察乞老還家

引年事林棲隣社邀雞黍醉蹋田閒泥時

清絕塵務藝植多所諧寄我歸田詩前津知勿迷
循環且終讀經德敢自回

德輶莫能舉硜硜守一隅明者魚喙小昧者豕負

塗敦勉示子姓我老爲前驅相爭則不足相讓誠
有餘努力各回駕來此安宅居

文章屬藝事所貴衷於道少年事干祿忽忽將終
老道充身自腴外勝中易槁誰能去本性與俗爭
醜好荆玉終見售燕石豈足寶勿學田慎徒高譚
遺物表

林臯鳴落葉正好冬晴時如何方欸欸便與朋故
辭歸舟停昨日去帆挂今茲弱女與病妹牽裾復
狐疑官程有期限我正不爾欺老驥猶千里暮年
豈無之

簪珪旣暫違居然野人境村醪不停揮猶謂客尚
醒霜前對殘菊孤致自討領羣從喜相過一二標
秀穎燭理况清言稍覺幽輝炳

昨醉猶未醒又見挈壺至一日未辭家拚此一日
醉少長有分行問事輒無次人云朝裾榮我謂布
帛貴木牀設稻薦企腳有深味

近塚營半區待化可爲宅生壙曾自銘十年少行
蹟放竹將盈千種松未滿百平生冰雪交相屬守
貞白陋彼漢王孫委壑終不惜

遊學離鄉井閱世飽所經曰歸歸已至曰去去竟

成督郵趣命駕祖道難再更新知何繾綣相送羅
前庭寒雞苦太急膈膊中夜鳴老年事遠別蹙蹙
難爲情

孤兒吾弟子

姪汝鼎亡弟
峯所出也

抱素成家風立年雖云

盛如日此正中自慚教未豫敢期方能通壹志勗
諸弟要令稱良弓

淵明賦飲酒介節恥苟得士窮乃見志力學以祛
惑文質有相輔循序自淵塞內心在修己何暇問
家國重裘可禦寒君子善處默

少賤行負米親在不得仕今也辱浚明錄錄但榮

已周任訓就列有道穀亦恥樹立終未能曷不返
田里厚祿豈可私送老增年紀歸歟信所欣官謗
要思止徒手欲濟川試問何所恃

肅肅我遠祖聚族葆其真數傳各通顯十世風尚
淳不知孰權輿厭舊惟矜新懵然視肥瘠忽若越
與秦人生在天地日色揚飛塵飛塵有相附猶得
展殷勤棠棣深孔懷伐木存周親寸珠旣寶世川
媚失故津慨然終復古相別一整巾爾縱不我諒
其無廢先人

恭和

御製戊辰仲春東巡祭 闕里秩岱宗初四日自

京奉

皇太后起程元韻

車服尊東魯懷柔先及茲省方惟敬止問夜正何其葆羽移阡陌香花綴九達傳心詒道要介祉祝徽慈盛典因時舉仁風是處披雲容深紺幄曙色上紅旗夏諺今猶作箕疇定可咨頻頒寬大 詔膏雨比恩施

恭和

御製過容城元韻

如斗春城隱古原評量風物付閑論幽人未應三

徵至志士空餘一疏存

椒山楊氏疏草手跡至今尚存曾展讀焉俗儉

耕耘惟自力時平禮樂益宜敦樓桑遺蹟成榛莽

博奧難尋酈道元

道元家樓桑村在容城北三十里

恭和

御製萬柳堤元韻

誰遣長虹偃作堤東風試剪柳新稊永豐坊裏垂
空碧那有今朝入

御題

傍柳行人如織絡齧堤春漲自潺湲身依仙仗

經過處疑在蓬壺三島間

春鞍得得上輕埃
喚雨鉤輈日幾迴
無數漁舟齊仰面
平橋十里似平臺

恭和

御製趙北口水圍詩元韻

宋家開巨浸
傍輦一過之
圍合思存古
蒐明典在茲
追思

皇祖烈
恰值早春時
舠艫通橋路
貔貅列水涯
豈

無魴也美

用陽
晝語

自有信天奇

山海經瀛
鄭之
間有鳥名
信天

軒制

猶開拓
湯仁見設施
前禽無慮失
香餌不教垂
水

濤排軍勢虞師助陣儀非徒倡勇敢亦以戒荒嬉
天筆從頭紀應留第二碑

恭和

御製趙北口卽景元韻

水關潏潏滸滸諸川一頃荷花一頃田幾處啼鳩時
喚雨數行歸鷺自衝煙成家罾網何曾稅當菜魚
蝦不值錢生長昇平餘樂事閑招近局一過船
吏人剝啄不曾聞魚少魚多有戚欣水上鷗翻迴
暖浪船頭雁起入高雲綠簑青箬常呼伴細雨斜
風乍失羣此日

宸遊風物好薄寒天氣正春分

恭和

御製河間道中元韻

輦下輕程四百里瀛城自昔號名邦
招賢北館誰能近樂善東平或可雙
雅樂遺音猶嫋嫋鬲津故道想淙淙
言尋古蹟斜陽裏特地巾車上小牕

恭和

御製登景州開福寺塔元韻

舍衛香塵灑半天近捫星斗落檐前
北眸滄海千層碧東指齊州幾點煙
鉢水龍腥知欲雨簾花鳥

啄正安禪一從

天步登臨後金擁浮屠十萬年

恭和

御製衍聖公孔

昭煥

率所屬執事官竝博士弟子

來謁詩以示之元韻

德車夙駕結星旌只尺宮牆展敬誠所過萬人齊
仰面來看

天子謁先生上公舞勺年方秀賢裔垂紳度亦清
明發陪趨尋聖域從知闕里勝蓬瀛

恭和

御製至德州山東巡撫

阿里衮

率所屬來接詩以

示之元韻

翠葆臨齊甸如弦馳道開遙看連率至旁帶小侯
陪共凜天工代惟期德意恢入疆觀政蹟屢 詔
急民災

帝念恒欽若臣心警愴哉此行爲重道兼以省方
來

恭和

御製高唐覽古元韻

的礫休誇曾照乘玲瓏漫說現空王大清

河遠帶名

追前漢通惠分支溯有唐岩頂經時誰餉石樹頭
百里有飛檣守臣盼子今焉是好借循良致阜康

恭和

御製所見元韻

方行東指來青齊周遊尋覽嘉師師起滯賑乏策
旣備蠲租肆胥政不違 異命誥戒重保障大吏
陳請許便宜刑清民服績可奏曷哉有土慎職司

恭和

御製春分日卽景元韻

麥隴千畦帶曉村風光堪與畫圖論雀投遠樹聲

先入馬踏晴泥意似騫
輦路平橋紅到水田家
垂柳綠當門愛聽井上轆轤響灌得春莎便號園

恭和

御製汶水吟元韻

圓流孕珠方孕玉分洸會泗循舊躅
翠華臨曉

度清川柳影參差蘸波綠

恭和

御製滋陽覽古元韻

何年嵴也乃爲滋厭術從教理解嗤灞旣名山還

署縣磻因出水亦稱茲

名山志灞山以灞水名山
遂名其邑水經注滋水出

磻溪太公隱焉相枝終老瑕邱志臣甫初編東郡詩清
蹕經過一吟眺平臯薺麥正青時

恭和

御製杏二首元韻

當風時一笑照水自爲隣燕語迎新社
飴簫送好春長安正花事看遍是何人
時天下貢士待試南宮穀雨陰晴候
憐伊碾麴塵

深巷誰家賣青帘倚作隣風光三二月
點綴幾分春扈肅無迴馬村稠有醉人
向榮多早放願受屬車塵

恭和

御製闕里祭 先師禮成八韻元韻

廟堂臨玉輅雲漢日星垂復旦光皆仰昌期信在
茲

一人隆法

祖萬國各尊 師德備知仁勇教成孝弟慈從今
傳道要夙昔已心儀體此其惟聖外之者更誰羹
墻欣得見美富敢云窺令典賡歌紀詩成媿屬辭

恭和

御製賦得手植檜元韻

古根生意足用晦葆其天物以美斯愛薪緣寂更
傳履聲猶宛在手澤此存焉會見新條發寧教衆
草纏金絲長閼響鳬嶧遠含煙緬想濃陰下生徒
立幾干

恭和

御製謁元聖祠元韻

契道兼繩武來瞻元聖祠明農歸政老玩易與時
宜翊戴同心爽憂勞一姓伊平生官禮意留待帝
王施

恭和

御製祀少皞陵元韻

帝陵脩盟薦旭日上扶桑畫井初承業遷都自集
慶俗猶仍渾噩治可接皇王鳥紀傳官制秋權秉
化光澗溪通濟北風雨避崕陽郊子真苗裔鋪張
祖德洋

恭和

御製謁孔林酌酒元韻

昔夢兩楹奠今看

萬乘來橋通華表外址拓古城隈泗水環如帶著
苗綠似苔墓旁築室在歲久未傾頽

恭和

御製祀岱廟元韻

聖秩隆儀繼六宗
龍旂飛處彩雲封
嶙峋石笋傳真嶽
鏜鏘天風入古松
自有聲靈符玉帛
唯將肅穆奉音容

宸章直與祈詩合
霖霖應霑東作農

宣氣扶輿木道行
巡方賓禮配陽精
稱宗布澤推東長
出震乘權在始亨
衆彙資生尊作府
諸方鎮儼爲兄
仙官九萬迴雲馭
蒼帝端居治嚮明

恭和

御製五大夫松元韻

酌泉漱石得廉名
塵外何曾有送迎
鱗甲剝殘斯篆古
頭銜拜謝漢符榮
當春猶厲冰霜節
隔水時聞棊筑聲
今日班聯同上壽
鬚眉龐古各分明

恭和

御製對松山元韻

奇處不勝採茲山
信亦奇於焉得異
領坐久暢文思
彷彿田盤下菁蔥
一萬枝仙人攜六
著來博夜光芝

恭和

御製登封臺元韻

虞典未載登封事
但聞協時與正律
奉天以實不以文
何用金泥函祕密
告虔徒誇祝嘏詞
揚厲漫屬史臣筆
有功不伐謙吉時
雨將降雲自出
元首明哉股肱良
光華丕冒海東日

香樹齋詩集卷十四

嘉興錢陳羣集齋

恭和

御製恭依

皇祖登岱詩韻

古來玉檢在何處空際白雲無盡頭
正練晴懸吳會外巨鼇夜挾海天浮
乾維載化廻三始地絡憑虛控九州
坐對扶桑動天筆好磨丹壁與重留

祖蹟

皇猷同赫濯方行盛典紀從頭斗牛路近諸峯小
長養風齊萬綠浮日觀知晨升幼海天孫受職鎮
方州雲堂非復人間供翠輦方迴尚少留

恭和

御製閱濟南兵元韻

東都廣武地爽塏正春晴畜衆功宜豫衛民洵所
程幟明迴電閃礮速先雷鳴上將承

天語新銜領禁兵

時巡撫阿里衮除
領侍衛內大臣銜

恭和

御製謁舜廟元韻

帝終書有二王始德無雙陶器工猶舊山祠屋尚
麗雲歸深鐵鑊雷動暗晴牕心契無爲化垂衣夙
所降

恭和

御製上巳日曉行卽景元韻

野杏天桃尚未闌春程昨夜遞輕寒水明恰值濺
裊過山好偏宜帶雪看入市煙林依遠巘平橋沙
路漱微湍幾番補助頌新詔跂足皆知天地寬
過魯輶輶又入齊依山輦路略高低奉高墟市

今誰是山莊風光入望兮上擔春餚膠似蜜堆盤
榆餅薄如圭從官先賜清明火前一日行在賜宴簪柳
分箋個個題

恭和

御製濟南府海棠正開對之有作元韻

有力東風似撒沙海棠偏自鬪清華盡情開滿當
三月隨意吟成爲此花杏暈桃夭多襯貼錦綳翡
帳莫攔遮春陰曲曲雕闌外笑倚新裝幾樹斜

恭和

御製百花洲詩用宋曾鞏韻

宸遊憇古亭言尋芳洲路蘭舟初停橈雲罕一迴
步垣轉勢更寬汧邃景多趣舟逐鷗鳥飛帆隨駿
馬驚漣漪散圓珠晻曖挹朝露遠水自生虛春陰
易爲暮林碧澹人煙袂清襲花霧風詩懷名篇瞻
眺發深顧豈惟適方舟亦可滋秔稌卽事念民依
旨哉有餘慕

恭和

御製鵲華橋元韻

此日風光似尚湖詞臣奉

敕譜新圖

編修臣張若澄作大

明湖全圖進覽

春明十里香山路出水青龍

橋名

總不殊

雙峰俯瞰雙流水雲滿峰頭水滿橋閑數明湖比

明聖

西湖一名明聖湖

三條橋外又三條

清明應節雨濛濛望幸人來上玉虹北指金庭雙
闕迥鵲橋迴看有無中

恭和

御製歷下亭元韻

百泉交匯處亭古着其間遠意蘆芽得機心鷗夢
閑水深魚斲落隄曲麥畦彎坐久移清蹕白雲
自往還

薄陰花得氣落日水增波此際

宸襟愜由來古意多雲衣輕似縠煙髻澹於螺敢
效風人致卷阿幸一過

亭似扁舟泊湖如一鏡泓詩人存老輩名士謝虛
聲嫩柳搖簾碧繁花照眼明水雲多所適終自結
遙情

恭和

御製登會波樓元韻

郡樓巖嶠女墻高霸業當年想自豪二水環迴各
千里三齊輻輳入平臯早通估客魚鹽利好課農
桑灌溉勞疏濬卽今良法在百泉漢起作輕濤

恭和

御製濟城春望元韻

幾餘極目上層樓
麥自青青桑自柔
曉圃摘莎供擔負
新畦引水入渠流
不須海氣方成雨
何必川塗始作舟

聖主勤民求瘼遠
豈圖汔可便紓憂

恭和

御製清明卽景元韻

東都雨後足清嘉
花氣綢繆爛作霞
包裏踏青春有路
轆轤汲井水生花
鶯啼深柳依稀見
燕語迎

風約略斜聞說明朝迴 玉輦攀留遮道萬人家

恭輓

孝賢皇后詩五首

瀉川傷逝歎愔愔絃斷清徽感 舜琴萬里天青
驚月墜九重淵坼竟珠沉仁慈共仰鳴鳩一寬厚
真同樛木深長信春時花寂寂 內朝無復玉衣
臨

躬脩內治佐時康二十年前溯定祥繭館縑成餘
手澤膳匱視奉盡親嘗宵衣早勵書無逸永巷猶
深夜未央比並芳型經傳在曰莘曰狄曰周姜

衛水湯湯作淚流人間大藥信難求
奄辭猶爲官家計解脫曾無私語留
雲鶴廻翔臨黼黻靈妃環衛擁仙舟
定知天妹歸天上莫慰吾

皇萬斛愁

別殿朝來蜃衛俱素幃舒阜廓椒塗
千行命婦捐

膏沐四世夫人拜翟褕

時衍聖公夫人孀居者四代皆星馳千里奔赴總惟

哀懇成服

鸞馭天邊時下上鳳雛雲路懃勤劬惟餘翊

戴平生願金鎖簾深入夢無

鏡在奩臺練在櫺六宮悽切想光儀
誰知小別嬪嬙日卽是長辭階祀時孝感

慈闈悲拭淚賢欽

聖主痛題詩永膺兩字千秋謚留與人間壺內師

奉

勅按月題雕牙畫冊

得四月

不須玉鎖與金鋪鏤琢天成仙子都煙散睡鳧縈
細柳聲傳雛鳳出高梧檐前喚雨來鳩婦檻外凝
香簇鼠姑節候恢台方愠解五絃初撥寫清娛

恭和

御製浴佛日三首韻

晨趨猶記鵲聲傳重指前星一皎焉蘭露含滋真
郁若蓮花出水本天然曾陪令僕經溫室親見麒

麟臥式乾禪相六千披藻思簪裾來結舊香緣
浴佛年年此日傳晬朝嘉會亦於焉人天迦葉誰
叅得堅固芭蕉足听然欲識去來成果樹好從印
證問靈乾選場第一生歡喜啼笑真堪話鉢緣
金燼成灰薪自傳春來噩夢泪潛焉青蚨有約終
歸也芝草無根亦偶然何處山齋添布施人間容
仗節連乾吟餘更憶探環事驗取前生未了緣

晚集雙樹軒用漁洋山人卽事二首韻

終朝趨禁籞小巷似深村不謂人歸直猶聞客
到門蒲葵成薄設風味比鄉園剪燭徵清話應同

休沐論

聲名諸子早先後振詞林暇日發清裁良時慶盍
簪風迴飛宿雨鵲乳試新陰相賞成相遲何妨許
重尋

程氏女

汝慎

孀居里門奉姑撫遺克盡婦道

從姪野堂觀察爲青松以似昨冬余蒙恩

假歸省墓滿日北上屬題數語用志存省

手植青松樹貞心好自持早承盆盎畜獨拔澗阿
姿桃李經春歇冰霜終爾期惟將難朽事擔在歲
寒時

又題畫竹

草木多深致此君德操全謙恒含內美虛直秉天
然益友平生得清風要共傳誰能寄相勗林下仲
容賢

送陸根堂太史歸嘉興

井里重茅結比廬西隣掃逕客歸歟余與根堂隣
並而敝居在
街東注槽且試新篘酒插架惟添舊 賜書不信終
爲

明主棄未應便說故人疎雙魚繼此勞相問翹首
雲間望豈虛

清卿世德重人倫十載曾陪卧海濬

尊甫奉常公林居時余適

啣恤

歸里但覺元經猶尚白諒爲廉吏那辭貧詩書要

自承先業名位何妨卜後人從此鶯花催日課定將明月比前身

題松濤散仙圖應制

天籟家風作此圖畫師臨仿儼仙都入山深處衣裳濕况復陰晴早晚殊

松下時時見鶴蹤太平雞犬白雲封丹梯石磴逢仙侶身在華陽第幾重

遠壑灣環可坐迎飄來紺乳襲人清無端琴筑空

中落半是松聲半水聲

題張日乾舍人望雲圖

十年校紅梨曉踏觚稜路有夢還故山慈母問寒
燠醒時空庭立默然向誰語仰首一跂望子舍隔
雲樹東隣借青驪西隣有騏驎好攜千里駒爲陟
高岡去高岡不可上勒馬陂陀駐但見南征鴻肅
肅試其羽秋風侵我衣露下沾無數有策不敢指
白雲最深處

恭和

御製秋日含經堂元韻

軒楹晝靜發秋馨最好幾餘適性靈四卷纖雲澄
碧落百城古帙養黃寧嵐間氣潤毫端露松際風
敲軫上星溽暑漸消修竹外涼生疎雨遞微冥

恭和

御製恭詣

秦陵致祭發軔京師秋光助感馬上成吟聊抒愴

悼元韻

金根夙駕駛如流悲愴縈懷望陌頭永感

彌留當此際那堪霜露又驚秋慕深雲樹成相憶
哀助蛩螿自不謀行殿泉聲響嗚咽淒清入耳

總添愁

恭和

御製秋麥元韻

綠似裙靨嫩似芊平阜遠色颺輕煙欲占夏麥看
秋麥都說明年勝去年應候雪花須入地先春草
色已連天三農事事關

宸慮對此能無一蹶然

恭和

御製躬謁

泰陵致祭感成長句元韻

昨詣真同問寢時禮隆諱祭復如斯儀型儼在憑
哀感笑語如聞僂慕思到地昔年和血淚
在天此日鑒芳卮吾

皇大孝躬爲則悲益千官涕泗垂

恭和

御製恭祀

秦陵禮畢將迴鑾徘徊愴慕載詠三章元韻
馨香至治感熏蒸 翠輦親來爲上

陵悲祀禮成凝睇立栢間松際若欽承

鼎湖歲月成千古忌日終身同此悲最是哀號風

謾謾桂漿在手未傾時

聖情攄慕動經年

前歲謁陵後方事西巡

上格穹蒼下九壩

明日陵官瞻掃處泪痕猶在寶城邊

八月二十有三日

先皇諱日也前一日

臣陳羣

扈從恭謁

山陵得遂瞻仰是日復與陪祀恭紀二首

重來修祀盟薦玉禾新長憶彌留日况當霜露

辰慕深徵

聖孝化洽想

皇仁叫徹蒼梧野言歸足屢逡

慘澹松楸路，驂虬下紫煙。
終天愁似海，到地淚如泉。
殿寢秋雲裏，音容初日邊。
攀髯因未得，延息十三年。

恭和

御製迴鑾卽景元韻

將歸還住

睿情留卽景，詩篇與素秋。
廣陌馬蹄多遠思，夕陽鴉背帶餘愁。
垂垂老蔓依危架，簌簌新麻浸淺漚。
稌黍堆來高似屋，農家也作隔年謀。

恭和

御製石門店元韻

野店疎林外晨炊散遠煙寒潭澄似鏡霜葉艷於

然峽束重關路

西通太行北通紫荊諸口

雲開八月天居人忘

帝力耕鑿傍山阡

紅橋移遠渡白屋靜朝暉玉削山容瘦泉滋土脉

肥昇平今自古懷葛或能希每奉鑾輿過清風

一庶幾

恭和

御製紅葉元韻

的皪明山塢斑斕綴礪砑畫師丹筆染宜夾亦宜

雙畫譜有夾葉
雙鈎之法

次松泉尚書接

駕長新店元韻

霜華輦路白於虹
楓葉迎秋綴小紅
岸脚河聲

鳴汨瀟柳梢月色隱
朦朧衣沾十日田盤雨前月
駕

幸盤山尚書
會列扈從袖拂今朝西嶺風
同是屬車陪法

從此身來往似征鴻

山左有秋奏至

御製五古一章宣示近臣敬誌一首

皇帝御極十有三年
秋東國守土臣報歲大收惟

水旱疾疫何國蔑有流行廼在海岱惟青州齊故
稱冠帶衣履天下天孫作鎮神物示顯符房尤比
年木饑金穰互嬪遞我

皇敷政時用旣備修東巡守典遵古歲二月曰惟
時其躬履嚶咻之音周渡河踰濟南指一千里曰

棣曰聊曰阿曰瑕邱父老延頸仰見

天子聖强者輕去其里瘠者溝大庖減膳敦諭急
振撫其所未見

睿慮靡不周端居宮中流覽鄭俠圖子諒畜豫沛
然其相遭將侯小臣忝列扈從豹尾後對飯不噍

有如魚中鈎親見 詔下讀者感且泣枯骨肉矣
顛蹶其來扶房尤叶 包括周禮荒政十有二歷代方
策成效皆羅搜移粟發帑動各百萬計何用汲黯
便宜市豆區痼瘵在身哀慘忽焉邁月馭掩鏡萬
國同悲憂

皇心則戚仍念民疾苦善後規畫申命東諸侯方

州郡縣行賞恐未徧星言夙駕重臣高與劉

大學士臣

斌左都御史臣統勳非惟丕冒之實又布濩河嶽奉職百靈

其懷柔風雨和會庶草亦蕃止民樂更生者以恬
以休萬姓咸曰予曷克臻此吾

皇庶幾其以時豫遊封疆大吏稽首狀其事

帝用作歌厥音叶韶簫

思留叶

時惟涼風瑟瑟火西

流仰視鴻雁嗷嗷鳴東郊

居田叶

題蔣茗生歸舟酒醒圖

凝滯歸舟記別蹤添衣獨坐意疎慵醒來殘月柳
風外千里秋江如酒醲

不問邗溝與白門當年載酒月黃昏而今頭白猶
振觸贏得新詞妓口溫

暫時別去水濺濺計日重來花事前自有扶輪能
好士殷勤一問孝廉船

題鏡香居士清宵見月圖

白雲深處是柴門
夢到江南水外村
最愛相思叉手望
柳梢一抹澹無痕

遊子心驚歲易徂
舊巢一畷小長蘆
濡毫研取芙蓉露
自寫清宵見月圖

今夕月明成獨立
不知露下濕衣裳
鄉書緘得憑誰寄
雲外應添雁一行

題秋江返棹圖

吳江楓葉露稀微
我亦曾爲十日歸
又到長安送歸客
潞河南下片帆飛

鏡香居士北遊時適余奉役江右便道假還里門其

明年居士將歸

題虞美人

當年玉帳別忽忽啼頰春深帶薄紅
試倩伶人翻樂府燈前應識舞東風

只合明珠論斗量傷春拍手學新妝
誰將舞樣全偷去贏得三春蛺蝶忙

恭和

御製今秋各省告豐者多旣慰以懼
并示近臣元韻

皇綱運方隆張翥亦孔巨衣食兆人謀
厥道具區

處旣慰曷以懼爲多告豐者圖易在思艱遠敷先
哲語治術有相通不足以美補天下如一身遐邇
無異覩陳稜雖云偏 詔書亟鎮撫肯使勤動入

利盡居奇賈秋省歷畿甸春巡半齊魯

歲二月有事於東巡

八月恭謁
臣陳羣俱忝扈從

先憂而後樂凡以慰疾苦楚熟

吳會克秦穰晉豫取如以臂使指非德更何誦况
乃西熨西軍實倍增估

九重廟算神進止自當可屏書豳風篇無逸敬作
所

恭和

御製茹古涵今元韻

天根月窟靜中憑
理解無言渙若冰
要識朝宗滄海大
方知薈萃

一人能松筠獨賞
凌寒操卷軸真爲
耐久朋自有太和
供挹取不須丹穴
問涪陵

恭和

御製九日漫賦元韻

遙天歷歷雁隨陽
村落微霜壓稻黃
叢菊隔溪香泛水
遠山捲幔鏡延光
避寒蛩語知時改
入暮砧聲到處忙
幾暇尋詩多感物
吟成無語井苔蒼

添衣小立遞微寒
難老秋花更耐看
野鶴摩雲盤遠勢
山泉穿樹激迴湍
那禁搖落驚秋序
自有琴書討古歡
倘到香山躋絕頂

宸襟一寫望中寬

秋杪啟事詣香山
行宮松泉尚書訂宿

賜園同薌林尚書清話感舊卽事得二十一
韻

啟事當更直衾裯已隨轡
筍輿出西郊夕照上古
墀移時到園門樹色不可辨
主人自公歸呼童進
香薜池有當蔬魚徑有迎客犬
懸榻猶好在笛簾

塵已展少坐滌煩襟往昔時一緬

憲皇重詞臣親近誼何腆量口給官廬間架許自
選吾

皇御極初文治日重睨啟沃多倚毘鄭重等瑚璉
同舍八九人先後得隨輦暮歸撤金蓮晨趨拜
上膳每當散直後來往便清遣發興或釣弋汲古
互考辯彈指十年餘袞袞各遷轉卽今慎鈞樞諸
公實所典要思獻納難益恧底蘊淺剪燭結深談
相期日黽勉涼月出林靜微霜着衣浹夙興列炬
行戴星指西巘

恭和

御製賜

傳恒

經略金川元韻

穴依如聚螳影顧比貪狼

廟算籌全勢勳賢祇對揚爲霖殷傳說決勝漢張
良和敬師能濟嚴明衆效長非關深闢土直以永
寧方奏凱收番部齊瞻化日光

恭和

御製瀛臺賜經略大學士

傳恒

及諸將士食元韻

臨軒命將指荒陬籌道蠶叢殪大酋據險早看憑
地利詰戎端合在人謀感同挾纊回春色誼重投

醪拜渥流計日班師乘錫馬依然三接晉康侯

恭和

御製十月十三日雪元韻

入冬鎮日課陰晴喜見同雲散玉霏豫卜定功關

國計

三日前於瀛臺

賜經略大學士傅恒及諸將士食上默禱三日內得雪我師西征克

捷至是果得雪誠爲光兆云

更籌豐歲慰民生護持北麥苗應

茂培養南枝萼漸榮曉踏東華尋履迹觚稜寒色

入西清

天然遇物賦形初圭璧丰姿合擬諸驢背稍侵詩
客袖尊前漫學舞人裾飛來空際踪無定集向雲

端意有餘寄語征西諸將士早傳夜襲竟何如

題諸襄七編修高松對論圖

先生本靜者孤寄抱婉孌杜門愛三餘尙友親六
籍館職二十年飲宴謝喧客秋泛坐月場春遊踏
花陌天留庾信居偶割鄭公宅庭際揖長松撫之
自悅懌從來交老蒼臭味披莫逆謂是可對論稍
拂松下石獨坐悟忘言寒濤落空碧

春帖子詞

紫籙祥煙靄 彤墀愛日長東郊占物色南正報
時康

黃支重譯盡朝正綵仗新開耀日明

聖德天威真遠屆兩階千羽泰階平

曙光郁郁復紛紛百和香援寶勝紋萸葉正齊春

信早要將寒臘與平分

十二月十六日立春

奉

勅題畫牡丹蘭花

誰將珥筆鬪奢華玉琢瓊鐫見此花首座風流黃

殿講

蘭名

太平樓閣海天霞

牡丹名

蠟膏濃拘香無力

露浥光凝冷不邪國色幽姿皆絕調蓬壺晴日正

清嘉

奉

勅題畫紫微花

竹素堂中籠絳紗
早增身價在金華
一從元白分題後
只合呼爲長慶花

香生禁闥濃陰下
相映當階紅藥翻
移傍上林風露好
月鈎初挂澹無痕

恭和

御製賜大學士伯

張廷玉

五日一入直元韻

春朝絳闕傳恩命
星耀台衡屬老人
贊密久欽調鼎重
引年早鑒乞身頻
鄭公賜宅尊頤養
潞國

趨朝邁等倫大耄他時修茂典禁中輒影上蒲輪

正月十二日雪喜第五叔自寶坻至即用見

示雪中漫感原韻兼寄浣桐方伯

寒如西嶺乍敷葩積似恒河未數沙何處高樓呼

美酒昨宵蕭寺門清茶

前一日齋宿仁壽寺

畫幡千里音初

得

浣桐信至云在恒山郡度歲

赤縣雙鳬望豈賒一卷新詩嚼

冰雪勝他火樹耀銀花

偶學退之乘興去領將張徹到盧家夢回踏踏仍

隨馬醉入騰騰似泛槎政好無如格功令

浣桐爲吾家出

第五叔引例迴避

官貧只合練清華紫芝結習還應在小

閣花時遲犢車

海風吹起路漫漫對面方知會面難
話到鄉園情更洽座移街柝夜添寒
雪中鴻爪踪無定橘裏棋聲局未殘
遲暮懷人成却寄一回凝睇一凭欄

恭和

御製召經略大學士忠勇公班師還朝二首元韻
元臣涉遠爲抒忠草偃奔麋路已窮
挂節受降嘉鄧禹開邊乘傳陋唐蒙
詔寬禽網方申異樂譜
鐃歌自叶宮不戰由來推善戰
何曾干羽尚奇功
絕似螭螭附曉巢仁周化外亦并包

皇綸特錫師中吉臣範常貞坤二爻自擁雞竿通
絕微爭看虎旅振重嶺番苗也赴香花會始信仙
凡一徑交

平金川頌

有序

皇帝十四年二月经略大學士忠勇公臣

傳恒旣

平金川捷書奏聞羣臣稽首呼萬歲

上歆然曰非予之力乃

五后之德

文母之訓親詣

慈寧宮稱賀行慶典布告天下惟時廷臣咸作爲

詩歌以紀功德

臣

伏考典冊所載黃帝師

涿鹿高宗伐鬼方周文之於崇於密傳及
孫子宣王薄伐玁狁未有不戰而能成功
者惟書稱有苗來格乃在班師振旅之後
後世言武功者未有倫比今金川番酋恃
險構釁阻閼聲教大學士忠勇公恒祇受
廟略師壓境斬偵諜嚴紀律申六事渠魁慙伏無
所逃罪俛首乞命

皇上恢湯網施堯仁憫其窮而求活命

恒

納降班

師苗至頑蠢罔識天地高厚焉能揣測

大聖人度量函育，倂幪異類而革面革心，傾巢穴以奉王命，戴上將如慈父母，自推轂以迄成事，未逾七旬，膚公克奏噫，何其神也。易曰：信及豚魚，書曰：惟德動天，無遠弗届。非夫聰明睿知神武而不殺者，其孰能與於斯。蔡沈言舜之文德，非自禹班師而始敷苗之來格，非以舞干羽而後至我。

皇上之推仁也，以天自處，卽沈所謂干羽之舞，雍容不迫是也。番衆之歸仁也，自動以天，卽沈所謂有苗之格，適當其時是也。以今視

昔始有同符臣媿無文未能鋪揚駿烈垂
於無窮恭繹古今來感通之理天人相與
之際風之自也微乎微乎其信然矣謹拜
手稽首而獻頌曰

猗與

帝文萬寓綢繆爾師爾君股肱惟諧威畏德懷徼
外其來廣漢之羗禿髮在唐種人狡狂禿髮訛爲吐蕃金川
其遺種也金川憑陟鳥語獸居釁仇鄰墟

天討用申戎車駢駢往綏邊人後先委蛇齟齬老
師

皇帝曰嘻匪恢我圖任彼負隅而乃稽誅曰惟相
恒一德欽承鉞授壇登宴餞作歌益兵番番

廟算孔多出自桃關冰行雪攀天射之山至師殲

兇賊心受攻摧其邛籠

後漢書冉駹夷依山而居累石爲室又邛籠註今彼

土夷人呼爲雕也

隱阿嶽岑無峭無深回面改襟

皇帝好生曰納其誠相勲予旌爵汝桓圭載歌以

晞振旅來歸曰惟上公實勇實忠神明其道賊舞

且叟迎我旌旂入穴出巢總戎糾糾

居由切

率是豪

酋獻琛而謳約誓旣嚴戴天心快日輝露霑二月

捷聞西顧歡忻寧民息軍凱入春韶龍旂展霄

皇帝受朝樂饗賞行中外鏗訇大清天聲告功上
陵優懷薦馨惟

祖

考靈始時金川服則舍旃

聖母命宣祇崇

徽音惟孝治心穆穆悃悃

天筆隆隆碑於辟廱厥光熊熊蜀民亦勞今者嬉
敖旣載旣燾惟德惟刑遠人勸懲王道永凝泰來
之詒上下福綏輦萬年基

金川納欵大軍凱旋

上御豐澤園賜經略大學士忠勇公

傅恒

及諸將

士宴百僚陪列卽席恭和

御製元韻

詔下丹青宴凱歸蓬萊仙館靄春暉樂繙西徼羌
中曲人對東風祕省薇一德君臣同在藻知雨
澤早清畿

皇情悅豫應無極更勵明良贊治幾

恭和

御製題盆中松元韻

蟠拏拳曲無苟同本性自與雲煙通俯首低滯貞

厥中骨骼不可干喬松葆真得一如韓終禦攘冰
雪迴虛空盛以盆盎神鬱葱佛鉢勺水馴乖龍早
謝剪伐師任公自笑獲伏非通方

叶

天家雨露澤正豐松乎松乎爾今何由答遭逢居
然老物長稱翁益厲寒節凌三冬輕濤寫韻致不
窮試呼韋偃傳其蹤半丸張遇如漆濃

題潞河歸棹圖送朱奎山中丞還黔中

木門楊柳碧垂垂一舸輕帆南下時祕省又逢新
夏直生憎紅藥是將離

纔見二疏辭漢闕成行賀監鏡湖濱同時諸老歸

田去

海昌相公東長歸愚兩少宗伯新

第一關心

萬里人

寄次兒

汝恭

二首用少陵示兒詩韻

時汝恭就食文

水沈明府署中

衰白仍趨直金川正洗兵捷書傳織絡凱讌會清

明

是日隨王公陪忠勇公赴瀛臺宴

遠意托豪素春心寄古城遙

知下帷者卷帙散縱橫

得汝看雲句

汝恭有寄懷隨兒在柳歸二首

殷勤萬里心偶因參

野濶更覺楚江深宵夢憑誰遣愁懷繫爾禁老驚

春草綠容易感微吟

恭和

御製和侍郎

沈德潛

紀恩詩四首元韻

福地清時冰樣官

天家終惠駐蒼顏方資化雨培嘉樹其柰高雲戀
故山乍脫韁羈迴老驥漫裁書札寄飛鵬吳趨父
老來相迓白髮詞人供奉班

衡宇春風對結廬

臣陳羣臣德潛
邸寓同巷

過從每愛自公餘

早朝同引千牛仗強飭還憑雙鯉魚敢以文章論
報稱直教風俗返元初 恩綸特訂重來約他日
蒲輪諒不虛

老踐容臺凜式欽惟將本性託微吟進文張詠邀
真賞舉筆歐陽獻古箴爝火有明依日月細流不
擇益高深居然晚遇抽身早辭拜尊官笑尹愔時奉

勅校訂
御製詩集

清夢依稀指遠蘿輕帆歸路影婆娑寢興要自酬
明聖姓氏何妨挂澗蘓溪畔偶成招鶴咏山中新
譜采茶歌蠶眠稻熟昇平事會見風謠到掖坡

香樹齋詩集卷十五

嘉興錢陳羣集齋

恭和

御製御花園古栢行元韻

猗歟古栢託根 禁籞旣得地陰陽和會况復禔
其天飽經勝國興廢事竭來遭際承平年承平歲
月如春日栢亦善養冰雪顏唐槐漢枯豈方駕周
模孔楷行比肩其槁非死賴非病矍然古儒非逃
禪上清靈植有氣色浩劫不受本性全但聞添籌

到海屋不知人世遷徙有桑田

天家草木狀瑰異偃蹇拔地金堂仙一從高華發
宸翰杜甫能事標真傳老蛟晴空作風雨濃陰落
翠霞飛丹日升月恒見爾永永茂臣也拜手颺言
願續天保九如篇

山東巡撫

準泰

進瑞穀並圖

御製詩宣示廷臣恭和應制

菽粟養人勝甘旨綦組那如布帛美庶草貴廡不
貴異至哉斯義孰能喻叶齊魯十郡獻有秋嘉穀
連疇紛莫紀繪圖匭致得敬觀此者如櫛貫如累

不言諸瑞瑞自呈鼓鐘于宮聲在耳搏節須當豐
稔年民牧識茲者有幾司農報歲遐邇徧南朔東
西皆似此間閭已見登衽席痼瘕猶自念痼瘕三
復

宸章謨訓兼包涵無逸幽風理百爾有位庶勉旃
引恬而外其曷以

大凌河道中

小聚不知名曾無鷄犬驚竈煙門外出車轍賦中
行屋自誅茅得田從穿井成早忘征戰事長作太
平氓

自大凌河至中後所道里甚長相傳力士挽
強發矢計尋丈數凡云五十步者皆百步也
戲作一絕句

安車著我便來去古道隨人說短長殘夢儘從馬
上續何須縮地覓真方

雪夜關外旅舍聽索侍御彈琴用東坡題韓
幹馬韻

屋角黯黯雲脚垂何人韎韞調朱絲牕紙淅瀝雪
片入朔氣刺骨如落錐端公手法受唐侃入室弟
子名交馳隨身焦尾付包裹中夜一曲忘孤羈劃

然一聲海水立履霜以足憐伯奇澹如猗蘭遺臭
味更寫牧犢感羣雌鼓終振衣成獨賞頽然而長
或遇之歐老論詩強解事如畫馬者空存皮於乎
鍾期不可作箏笛之耳那得知寒鷄膈膊雁聲度
誰移我情成連師

恭謁

福陵

闕殿曾霄上中原指顧中龍蟠嚴宿衛虎峙守遺
弓談笑收諸部山川定一戎卽今丹史在萬載仰
神功

恭謁

昭陵

自報松山捷曾無指顧勞
解弓秋月滿石馬曉雲高
真統千年接文謨一手操
紹庭

天柱近旭日擁神臯

望北鎮

北幹起溟渤地軸旋元都
龍勢有亭毒毓此醫無閭
問方位秉周職坐鎮尊虞
書成功始水德綿亘維天
樞衙官列衆皴望若郭與
郭靜如守姬媼屏墻盛名
殊亦如將在閩北殊澤萬
夫我來雪初霽眼

纈生糲糊立馬一瞻眺螺髻出沐初斂容下馬拜
穆穆聞瓊琚

贈高使君兼寄呈東軒相公

渤海有令子其人清且淳相門才奕奕威畹儒恂
恂夕郎瑚璉器持節當關門我昨出塞去送我臨
海濱馬上一扶手酌以卮酒溫今朝入關來遲我
於城闌解我車上勒拂我衣上塵豈惟念朋舊於
以敦王人令公南駐日還朝屬秋晨乾隆三年秋
相公督理河
道余服闋北上時河水汎濫舟不得渡艤
清口數日相公督險工宿河干已浹月矣洪流溢
兩涘掀簸無朝昏我時攜幼子一葉河之濬岸舟

相撐撞分當飽鼉鼃見公衝波歸守纜增繫援申
余曰毋悸坐予以重茵各各道起居俯看大河奔
頃復衝波去遠與鷗鷺羣側手爲砥柱有如將在
軍蒼穹眷我

聖能勿閔斯民風恬濤勢靖額手慰勞臣稍稍辨
牛馬帆脚我始伸至今安瀾後猶溯底定勳冬夜
談往事庶使夙昔存期君守庭訓早歲裕國珍努
力培元氣及時廣

皇仁

與盧抱孫太守夜話

憶昔結契東諸侯就中最數盧嘉州劍外歸來一
夢中見面便說凌雲遊十年往事重回首左幡又
復移京口平山風月入詩懷竹里笙歌落吾手三
年匹馬輪臺秋夜深獨立數星流長安故人王山樓
與宋西思君時復一登樓故人雲散今何有今朝
又把令支酒轉瞬看花三十年燈前白髮成兩叟
自遼海還朝經北平太守盧君邀同春圃尚

書小飲用蘇詩韻

東行飽看塞外山翻身一笑令支間雲中獨鳥比
踪跡天寒日暮知當還去時早約來時會政淳便

卜半日閑盧龍本是君家塞連岡攜我同登攀十
年不到曾遊地諸生強半皆蒼顏講堂指點臯比
印畫壁隱見秋蛇斑明月射牖興不淺一尊在手
緣非慳老年親串舊同輩談劇往往成癡頑城頭
山色翠可挹影落酒琰搖雲鬟人生聚散兩相躡
一手空握無端環他日重逢在何許明朝揮袂灤
河灣

寄懷彭芝庭少司寇次謹堂少師韻

善氣冲襟想德標南陔草木正春饒袖中詩本凌
蘇陸門外溪流會雪茗雙屐僧來茶正熟輕舟客

去酒初消

皇恩毘倚平反重未要連章乞洞霄

廢苑

廢苑何年起郭西一回憑弔一低迷笙歌驀地隨
雲散池館經春見草齊奇石能爲遷徙計亂鴉只
管盡情啼敗荷折葦無聊賴强受寒泉守故泥

哭黃海州

名建中陝西咸寧人從余遊數歲以選拔歷官諸劇縣遷海州牧卒

奉使臨清渭諸生拜道周執經黃叔度問事賈長
頭葱嶺寒攜去溫泉夜共遊殘碑時拂拭古寺每
勾留倚爾爲先導維予得廣訊紀謚徵宰府杞梓

貢方州吏局勞佳士官箴驗信修理勞無劇地借
箸有全籌桐里來朱邑吳中識鄧攸比羊終可牧
用卜式事若藥必能瘳河溢連江岸潮災報海甌

皇仁靡弗逮民莫孰能求野外枯皆瘞溝中瘠可
收兩岐方薦異二豎忽相仇襦袴歌何處威儀祀
爾侯平生懷種樹感舊泪空流

磨房驢

日行千里不出戶庭晝不見日夜不見星非蟻而

旋

去聲

以圍作經

一解

韁則左之鞭則右之韁毋我脫鞭毋我施由既可

使曾不使知

二解

恭和

御製集鳳軒詩元韻

瓊樓簾額對青山近接

慈闈只尺間政代天工欣就又歡承夏清愛餘閒
騶虞一試無雙技鶴列旋開侍從班雲外早迴雕
鶚影定知翔羽落空彎

擇勝牕楹恰四當平疇麥熟帶微黃共驚中鵠穿
紅暈又見歸鴻出綠楊超距騰虛星漾彩飲飛爭
捷電流光不忘武事昇平日萬里邊烽靖遠狼

豈必高居倚碧嵩 金輿偶駐跡堪同

御筵溢慶稱三爵

家法欽承課六弓 桐乳晝長初集鳳
蘭池風定正懸熊 重拈舊韻題新句
不數華林庾信工

調來蹀躞不加鞭 百技齊呈到

御前畫鼓聲移紅錦埒 雲陰接蔚藍
天清和

賜膳酬佳日 節候飛甘沃 上田大有頻
書徵悅豫

宮中步禱記當年

數載前夏微旱
自祈禱甘霖既沛

皇太后躬
上賦詩誌

盛德內廷諸臣
奉勅恭和

題程莘田學士綠雲借憇圖

春風衡衡此屋古長桑百尺標一株叅天倚石承
朝旭綠雲自寫孤桐孤聞說種來四百載韓楸杜
欿同扶疎小邾舊聞失搜輯北海夢餘付魯魚嗟
我生晚况模糊三十年事聊識諸往時爽塏齊相
宅奉 詔授我紅梨書前軒矚瑜列兩拜後堂絲

竹飛百壺任

香谷劉喻旃宗伯太宰

相繼足清娛我亦來往

張樊如晉公已去齊賢老聽事今爲學士廬春衣
出笥戴勝降輕陰作雨鳩婦呼有時歸直庭色暗
高張樺燭聯宮裾主人借陰還借吾摩抄話舊退
食餘稚子學步奉楷模花間問字列坐隅

辛丑羣爲庶常

海昌相國以大宗伯爲館師又二十八年兒披圖
子汝誠出學士門下兩世皆于此謁見師長
偶錄 三朝跡流傳談柄供齒牙叶樹下青泥雙
鶴在皚皚玉立似當初

題張鏡壑宮贊爲景菴少宰圖文待詔溪山
深雪意用蘇長公煙江疊嶂詩韻

君不見子猷雪夜棹入山陰山凍雲墨色寒無煙
又不見鵝毛片片落劍外王恭鶴氅何翩然剡耶
蜀耶山一色環山汨瀾噴玉流清泉泉穿谷口抱
澗石轉入沙渚成平川何人乘興意獨往孤舟凝
滯不得前挂篷但見飛瓊落寒碧芙蓉朵朵高插

天酒腸岑寂付空澗吟肩瘦削分清妍黃精抽苗
蟄陰礪翠麥含甲膏冬田北牖捲幔失雙耳西嶺
積素留千年恍如乘風下姑射練裙縞袂神娟娟
安知危樓矗立倚天半豈無枯僧畸士猶高眼停
雲發興爲此幅臨本出自同直蓬島之列仙昔題
原本今臨本始信一瞥皆因緣幾回展卷面生粟
愧乏禁體白戰歐蘇篇

歲暮下直與

汝誠

夜話取案頭宋史讀之輒

以共勉適有人至晉楚卽寄弟

界並示

汝

恭汝隨

衰白景况情見乎辭

我學常之惟善耐汝師元獻在安貧由來自立應
須早官職何曾會重人
書傳晉水汾河畔夢到瞿塘灩澦邊心似車輪常
欲轉裁書紀夢遺殘年

恭和

御製書福字詩元韻

一字真堪勵百僚
恩光長帶墨光昭
舉頭仰見
龍飛勢雙手親扶鳳翼超
珠斗奎章懸
朶殿椒
花栢葉供正朝
吾
皇嚮用傳

家法始信惟

堯克繼

堯

恭和

御製上元燈詞元韻

生綃輕剪簇冰鱗芳卉仙葩幅幅新
天上人間

同此樂風光合作一家春

堯年三五逢三五

恭紀十五年上元也

淨徹琉璃一鏡盈雪

霽千林燈映雪蓬萊圖畫十分明

首春喜作傳柑會
詔許廷臣上集仙更赴鰲山

踏煙火香羈袞袞寶車駢

成行直似聯珠斗散彩分明出洞霞天意長躋仁
壽域太平風日更寧嘉

吾

皇孝治邁前論仰體

慈闈逮下恩萬壽燈前春 賜宴一輪明月擁

金軒

出水魚龍戲更奇四時花氣發芳蕤

皇心到處深乾惕鄭國無勞上十思

曉出西郊

細馬不沾塵西郊踏早春雪添溪水漲煙入柳條
新薄酒能留客輕寒亦中人連朝有封事未覺往
來頻

顧用方總制有夢中遲松喬侍郎不至得句
云松披雲半嶺人立月三更醒而續成六韻
並繪圖以寄松喬邀余同和

結想遂成夢夢成詩未成美人隔千里明月正三
更是畫皆真境無思豈至情雪泥鴻半爪松路鶴
前程我亦忘形者對之一笑清流傳托雙鯉江國
寫遺聲

奉

勅恭製

定太妃九十壽詩

筵開廣殿會羣真

天上恩暉展懿親
內職敬修崇四德
婺星煥采慶三辰
萱榮北館風光麗
蘭發南陔次第循
最是宮闈傳盛事
齊眉膝下古稀人

奉

勅題畫

雲濤松吹

雲海自生濤松風亦成吹遠揖廬山高近接田盤
翠看雲還撫松林棲足高致

草閣清陰

新林雨乍過修竹風初澣十笏延清陰數椽接山
館獨坐悟忘言翛然寄散誕

夏山落照

霞翻石壁紅景掣山村黑衆皴殊陰晴遠意不可
極山農背已頽此焉或少息

煙嶼溪亭

溪邊多種柳柳外結一亭煙光澹容與草色搖空

青風來到鼻觀猶帶鷓鴣腥

松巘濕翠

矍矍高松寒飈飈衆壑赴山翠與澗碧深處疑無路愛聽雨後泉扶藜過橋去

煙渚賓鴻

高鴻塞上歸來趁秋塍熟葭翻渚勢寬雲斂山容束此間少嫩鱗何妨寄鳴宿

溪山積素

瑞雪兆豐年萬壑看積素但聞隔林鐘不辨入山路松下見青泥歸鶴此焉步

疎林澹靄

近林何蕭疎遙岑亦偃蹇倪迂不可作尺幅傳真
本置身喬松下徙倚矚平遠

雲壑晚鐘

山靜日似年雲深晴欲雨鐘聲出雲表山半自成
聚忽憶嚴灘遊披裘揖漁父

溪橋青籟

天台得門戶異境愜幽尋石橋憇仙侶寂寞懷知
音青松與翠竹都識歲寒心

村舍青蕪

不仕齋詩集 卷一 三
鳴禽移佳節柳色暗春原不知塵氛染但聞雞犬
喧薄遊一相訪中有朱陳村

層巒煙雨

米公作橫卷潑墨露奇勢雲西一訪之峰嵐見三
四願作霖雨姿永普人間施

荷渚清涼

愛此林塘幽荷香淨無滓閑雲牕外生宿鳥花中
起絕似嵒山湖一鏡清見底

雲屏晚靄

秋巒滌餘靄暮色連衆壑山靜屐自稀扃戶甘寂

莫只待鶴歸來悠然下雲箔

林屋延清

白屋結雲中曲折松杉裏泉石據勝絕二林庶可
擬獨往動彌旬香山老居士

晴嵐飛瀑

人言看瀑水好在秋晴時結廬最高處觀聽無不
宜但吟李白句莫笑徐凝詩

六月廿有四日出都途次卽事

望晴如望歲乃在積雨後晨興理行篋羣籍聊檢
舊老馬畏長道臨走還戀廐同役有諸子引翼以

相就雲開見遠峰
途改失近埃不覺泥濘沾所欣
禾黍茂井廢翻新瀾池陰荒宿漚時
潦本無根來疾去亦驟從茲
天日高火雲千里覆深宮默禱頻
感格神所佑豈教憂旱釋轉使愁霖又

次史西山編修韻

纖絺新浣試長征
夾道鳴蟬報暑晴一自昨宵同
被命爭傳曲巷有餘榮

西山與予
邸寓鄰並

衰齡笑我先

秋物簫羽看君萬里程
種樹廿年叅化理敢隨脚
跡說師生

新城旅舍暑甚步至龍興觀納涼作

郭外向西街有屋安行旅落日炙板扉如魚輒投
釜煩歎不可耐緩步近村塢石橋訪仙觀談笑一
揮塵緣垣薜荔深被徑苔蘚古松壇自違俗棋局
堪逃暑散襟上香臺席地依潤礎稍稍延清風興
至忽軒舉行行止宿歸何妨逐田父旅次且小安
無心問清醕

叔度與予同出國門旣渡涿水知予將與西
山前去以長歌遺西山篇中及賤子獎讚逾
分固不敢當至極道西江山水之美殆詡其
所有以窘迫我也白侍郎答微之詩序云微

之將欲窮我耶兵法有置之危地而後存者
仍用元韻示之於是詩亦云

陞辭出都卜日同同日 召對明光宮昨宵先後
渡涿水野航遙望河之中倚舷仰面一舉手君往
浙右我江右驅車未及計程途立馬還須問晴否
驂騑先導路更岐廣川南下東復西年豐小市雜
絲竹暑風聒耳歌柘枝雨腳欲散還未散雲物變
幻何多奇雨餘喜見百穀茂迎人野卉含芳蕤計
日我入黃梅路君當伐鼓江之湄文章於道未爲
尊取捨往往關淳漓擷芬掇秀各有致筆花何人

夢見之豫章不少千尺榦江國亦有黃絹碑笑予
衰白目旣瞽蠅頭憑仗雙玻璃鍾期已去伯樂老
落落千載空相思采桑陌上宿瘤嫁白眼行見遭
蛾眉君今鶴立騷壇上咀嚼宮羽調清吹頽波要
自斥俳譎濫觴况復憎癡肥楚南太史歐陽裔行
輩年齒相肩隨大邦作貳三學士一時

御筆皆親題敢誇昔者所手植我真慚愧爲人師

浙江江西湖北三省考官同日命下余與叔度晉
川爲正考官而以學士王君秋瑞編修歐陽瑤岡
史君西山貳之蓋異數也依聲聊且道所見如書
三君皆予乙丑所得士

代面非歌詞勉旃行矣慎自愛炎風暑雨侵旌麾

六龍秋巡二千里歸來執手尺與只輜軒採風報
大有惟其有矣是以似方州貢士重南服略存典
故其視此要將國器比璵璠肯向公門說桃李

與鄭荔鄉太守二首

典郡歷齊魯南極清風故人面舊雨十年
心何遜詩夕早文苑經術深使星行返旆應許共
登臨

扈 蹕東巡日春風瞥眼過捐囷頒漢詔飛粟輓
清河元氣今來復 恩光況正多拊循良守寄善
後更如何

題孟氏林亭

問訊鄒東郭星軺此又停
竹梧連漢碧鳧繹捲簾
青古井通泉脈清絲闕石經移時暄濁散隨意步
林垌

自臨淮至廬江凡三日得八絕句聊誌田家
風物云爾

十歲爲農五歲虛坐看淮水
嚙田廬私逋未了官
逋迫纔放鉏頭便打魚

少婦裹頭不裹脚老健宜服亦宜酒連朝打得青
苗醮白紙家家掛草頭

香林齋詩集 卷一 三
疊成石匣呼爲廟剪得茅茨便立家早稻收時還
種麥兒童多解拜神鴉

觸熱行來解馬鞍稻畦要濕豆畦乾官人那識田
家活一樣農功兩樣看

始信三農致不齊登場遺穗啄黃雞尚留半畝方
池水要待新秋灌晚畦

一日輕陰一日晴每將百里課官程笏輿侵曉經
過處愛聽池塘放水聲

行來暑路踏瓜田瓜蒂分明有蔓牽下馬摘瓜聊
解渴啖瓜還子不論錢

一輪曉月挂城頭城上鳴笳報早秋
港水也知愁小吏至今嗚咽不能流

謁包孝肅祠

古郡城南路清風包老祠神明留案牘
井邑祀威儀慶歷多君子斯人亦我師
重來仍使節下馬薦芳蘼

貧士歎

當午策官馬道出彭城東道傍有古寺
寺門闕青松下馬息其陰一叩閣黎鐘
到門聞書聲垢面八九童問誰實師之傷哉
貧士裹頭長歎於其中問

之何爲爾但坐黔婁窮授徒三十年有此一畝宮
河伯赫然瞰震怒我則逢屏翳旣羅列電掣驅豐
隆雨勢已傾三峽水蜿蜒猶見雙蒼龍須臾平地
八尺水妻孥急走抱樹欲上無由從村稀戶少絕
捄援木牀捆載扳其杠與波上下如振撞漁舟一
葉忽飄入性命得保呼天翁潢潦無根水旣落秋
漲入壑聲淙淙同時被水命不同家家完聚仍爲
農數椽散入洪濤去池邊柳絮風前蓬至今頽垣
廢竈上鷗鷁白鳥來雙雙我聞貧士言贈金出箱
籠古來失火有賀者我今賀汝汝其應叶屢屢可

炊牛可飯鬱鬱居此真何庸方今

天子正明聖搜羅績學起滯壅蹇驢直跨長安道
河伯其能躡汝蹤貧士撫掌笑吾目不眩耳不聾
通塞信有命古來造命無良方叶失水遇火皆可
賀要避河伯遭祝融不如都都平丈滿堂坐且寄
古刹隨殮糞我聞其言三歎息仰天稽首叩大空
億萬生靈不獨一貧士如此處置公未公

古刹納涼次西山韻

大火流已西炎官令未退客襟鬱不舒書卷徒捆
載舉頭睇崇岡古廟轟陰晦碧瓦穿鼪鼯墻垣况

久廢欲躋我足蹇欲上馬蹄礙笑拍兒童肩便踏
陂陁背遙山列如眉稽名信終昧一樹庇十人豈
異甘棠愛於以盪煩喧直欲捐細碎遠鷺入江雲
高鴻落楚塞始知宇宙寬小憇天所賚此致何可
忘作詩紀同隊少焉到郵亭寂寞誰與對

秋夜乘輿山行至桐城寄姚編修張明府

笋輿如小舫移作山中居居亦復不惡行行更何
如十夫將之去所見遂各殊衆星隱遙樹明月照
清渠當流激澗石歷磴攀岡筵松根蟠若級沙路
平如鋪露華泣百卉稻香披千畝選勝乃得勝戒

僕爲停輿停輿縱遐睇清風生衣裾爽氣發靈竇
崖谷浸空虛出壻雞喔喔負擔人喁喁木末見雉
堞徑轉仄更紆日出當朝饗館我於城郭所思不
可見獨立一踟躕只尺同千里何況天各隅踟躕
且前去計日經匡廬采芳渡江汀秋深還
帝都終期一執手珍重比璫璫

太湖縣次韻

似鏡清流曲曲如屏翠嶂重重香稻年年早熟不
知古有乾封

處處平槽新釀家家蓄水深潭白髮重來江北星

幢又過山南

黃梅口號二絕句

選佛場中語逼真千齡一瞥隔天人當年已老今
還少要養菩提堅固身

眼底紛紛說祖師幾人忍辱幾人癡重過破額山
前路又是村春正熟時

渡潯陽江

有序

自黃梅至江干謂西山曰若今日渡江明
日曉經廬阜下就東林飯飯後散步虎溪
酌智慧泉從西林上肩輿前去不亦善乎

時日將暮風水未順利太守劉君殿虎明
府高君宜堂飭所司具牲醪致祭禮畢登
舟方鼓枻風從東來揚帆截流而渡入江
州城則夕陽猶在山也西山有詩紀之卽
次其韻

自笑行人願更奢到來臨晚喚船家誰知
天使
雙星節穩似張騫八月槎老去無端憐骨
肉夢來
定許過湘巴時舍弟
官祔歸中流西望烟波渺幾點風帆
一片霞

東林寺次吳眉菴少司馬題壁元韻

古原路轉隔江天九疊屏風對面懸隨意入林呼
作社偶然卓錫便名泉聲聞何處非長笑著相幾
曾見白蓮我欲躡雲登絕頂招同五老話尊前

廬山雲海歌次西山韻按查他山先生曾作
五老峯觀海綿歌中有移時騰湧覆八埏四
方六幕一氣連與雲海相似存之以備觀覽
可耳

三年兩見匡廬峯一峯一朵青芙蓉瘦削或如高
僧面婉孌絕似靜女容昨來二林得少憩萬壑笙
竽落幽吹夢遊天姥猶作吟我今非夢能勿記昔

聞南斗應壽昌茲山傍挿斗外呈蒼蒼谿嶺洞
各門巧會合如海何洋洋西行兩日只隔尺與咫
今朝雲勢奇莫比太史占雲顧我笑昔所願見今
殆是峯腰復堆百疊山洪濤如屋皆翻瀾芝蓋童
童怒象走之而矯矯翔鶴盤楚江南去山六六雲
蒸霧濕蔽厓谷天哀龍鍾窮退之曾使伸眉豁兩
目羅浮天都古稱雲海窟山人旦暮看亦熟我行
且自喜茲觀何壯哉空中如聞江妃笑千堆晴雪
霏皚皚又似萬斛落葉亂山澗山僧齊力掃不開
此時秋暑應頓釋此身况爲王事役移時喚渡

渡青溪遙望雲中舉手別相門
令弟列仙班期我深秋芒屨
布襪信宿諸峯間

附
原韻

史貽謨

我昨來見匡廬峯倚天無數青芙蓉
江楓掩映望不極山腰披絮雲容容
東林飯罷得小憩草堂萬壑聞松吹
五老鬚眉罨林麓夢中惝恍猶能記
今朝策馬出建昌道旁依舊山青蒼
欄兮如銀白如練俯視一氣何茫洋
中流相距才尺咫百道飛泉寧可比
彭郎湖口接兩姑拍天決漉無踰此
諦眎却是雲涌山蓊然噓吸生微潤

匡廬落我芒屨底磴道迴望高盤盤吾聞天都
之峯三十六六六蓮花粲巖谷文殊院裏夜中
看雲海奇觀炫心目黃山於我只鄉邦足未能
履耳曾熟茲山雲景亦幻哉一碧萬頃光皚皚
雲爲車兮風爲馬真教颯爽心神閒徘徊瞻眺
那能釋江山清空我行役山花可擷雲可囊馬
首匆匆倏言別作詩紀實留班班何當扶筇挈
榼坐我萬仞丹崖間


黃吏

巨儒

年八十餘執事試院甚勤示一絕

句

桂籍憑伊腕底傳白頭從事地行仙自言作吏中
書省曾侍朱衣六十年



桂籍憑伊腕底傳白頭從事地行仙自言作吏中
書省曾侍朱衣六十年

